

四庫全書薈要

• 乾隆御覽本

集部

柳河東集卷九

唐 柳宗元 撰

表銘碣誄一十首

唐相國房公德銘之陰

相國房公琯也玄宗時嘗以坐善李適之韋堅
斥為宜春太守今刺史太原王涯蓋涯以左拾
遺為翰林學士進起居舍人元和初會其甥皇
甫湜以賢良方正對策異等忤宰相坐不避嫌
罷學士再貶虢州司馬徙為袁州刺史宜春即
袁州也涯刺袁州在元和三年間此碑當是時

作

天子之三公稱公王者之後稱公諸侯之入為王卿士
亦曰公有土封其臣稱之曰公尊其道而帥之稱曰公
楚之僭凡為一作與縣者皆曰公古之人通謂年之長老

曰公故言三公若周公召公王者之後若宋公

史記微子開者

商帝乙之首子而紂之庶兄也周公既承成王命誅武庚殺管叔放蔡叔乃命微子開代商後作微子之命以

申之國于宋微子開年立其弟

為卿士若衛武公號文

行是為微仲微仲卒宋公稽立

史記衛世家周公以成王命以商餘民封康

公鄭桓公

叔為衛君八傳至於釐侯釐侯卒太子共伯

餘立為君其弟和初有寵於釐侯多予之賂和以其賂
賂士以襲攻共伯於墓上共伯入釐侯墓自殺衛人因
葬之而立和為衛侯是為武公鄭世家鄭桓公友者周
厲王少子而宣王庶弟宣王立二十二年友初封于鄭
是為桓公晉世家晉假道於虞以伐虢虞大夫宮之奇
諫虞君曰虢仲虢叔王季之子也為文王卿士其記勲
在王室藏其臣稱之則列國皆然師之尊若太公楚之
於盟府

為縣者

為一作興

若葉公白公

史記楚世家楚昭王卒立越女之子章是為惠王王二年

平王之庶弟子西名故平王太子建之子勝於吳以為
葉大夫號曰白公服虔曰白色名楚邑大夫皆稱公葉
公公子高也葉年之長老若毛公申公涪公

西漢儒林傳毛公趙

人也治詩為河間獻王博士申公魯人也少與楚元王
交俱事魯人浮丘伯受詩武帝即位使使東帛加璧安

車以蒲裹輪駕駟迎申公申

公時年已八十餘洛音淳

而大臣罕能以姓配公者

雖近有之然不能著也唐之大臣以姓配公最著者曰

房公房公相玄宗有勞于蜀人咸服其節相肅宗作訓

於岐人咸尊其道惟正直慈愛以成於德用是進退所

居而事理辯所去而人哀號理遠人遠

與上遠字
一作哀

人不

勝其懷為文士趙郡李華銘公之德亂故不克立今刺

史太原王涯嘉公之道猶在乎人人不忘公之道為之

刻石且曰州之南有亭曰需宴亭公之為也人之思也

乃增飾棟宇即而立焉州人大悅咸會隕涕言曰昔公
以周召之德微子之仁有土封以為卿士道為三公德
為國師年為元老嘗為縣縣懷其化至于州州濡其澤
濡音儒說
文濡濕也凡我子孫罔不載慕盛德之詞文而不刻史

刺史數十莫克興起乃率歸於王公王公嘗以機密匡

天子于禁中遵

一作承

公之道刺於我邦承

一作由
又作序

公之

理又能尊公之德起遺文以昭前列則其入為卿士三
公也孰曰不宜吾懼其去我也遽願書于銘之陰用永

表於邦之良政

國子司業陽城遺愛碣

陽公史列之於卓行傳既及進士第乃去隱中條山時陝觀察使李泌欲辟致之府不起乃薦諸朝以著作郎召并賜緋魚袋自稱多病封還泌不敢強及為宰相又言於德宗於是召拜諫議大夫碣謂四年五月即貞元四年又云後七年者貞元十一年之又云四年九月者當在貞元十五年九月然考城貶在十四年則所謂又四年者當云三年字之誤矣公集又與太學諸生書論此亦甚悉公貞元十四年時為集賢殿正字碣蓋是時作

四年五月皇帝以銀印赤紱即隱所起陽公為諫議大

夫後七年廷諍懇至累日不解帝尤嘉異遽為國子司

業

城本傳德宗召拜諫議大夫居位八年人不能窺其際及裴廷齡誣逐陸贄張滂李充等帝怒甚無敢言

者城聞之約拾遺王仲舒守廷英聞上疏極論廷齡罪懷慨累日不止聞者寒懼帝意不已欲遂相廷齡城願語曰廷齡為相吾當取白麻壞之哭于廷帝不相廷齡城力也坐是下遭國子司業旌直優賢道

光師儒又四年九月己巳出拜道州刺史太學生魯郡

李儋廬江何蕃等百六十人投業奔走稽首闕下叫聞

顧天

顧音裕說文呼也

願乞復舊朝廷重更其事如己巳詔翌

日會徒北嚮如初行至延喜門公使追奪其章遮道願

罷遂不果獻生徒嗷嗷顧眄徘徊

眄音汚說文邪視也

昔公之來

仁風扇揚暴傲革面柔懦

一作較

有立聽聞嘉言甚樂鍾

鼓瞻仰德宇高逾嵩岱及公當職施政示人準程良士

勇善偽夫去飾情者益勤誕者益恭沈酗腆酒

酗叶句切說文

酒醢也腆它典切說文多也

斥逐郊遂違親三歲罷退鄉黨令未及

下乞歸就養者二十餘人禮順克彰孝悌以興則又講

貫經籍俾達典義簡習孝秀俾極儒業冠屨裳衣由公

而嚴進退揖讓由公而儀公征甚遐吾黨誰師遂相與

咨度署吏布告諸儒願立貞珉侔高狀明乃訪于學古
之士紀公名字垂憲于後公名城字元宗家于北平隱
于條山惟公端粹沖和高凝懿醇

凝魚其切
又魚力切

道德仁明

孝愛友悌薰襲里閭布聞天下守節自固患難不能遷
其心怡性坦厚榮位不足動其神為司諫議震于周行
為司業愛加于生徒宜乎立名俾後是憲其辭曰

惟茲陽公履道葆醇爰初隱聲覆蕢基仁

復字殺切蕢
音匪語雖復

一蕢進吾往也
注蕢上籠也

德充而形乃作諫臣抗志勵義直道是

陳帝求師儒貳我成均開朗蒙滯宣明德教大和潛布
玄機密照羣生聞禮後學知孝進退作則動言是倣匪
公之軌人用爰蹈倉胡反屬貪凌待公順之欺偽譎詐

待公信之少年申申咸適其宜榘機廢弛尊嚴而威公

褒其良俾升于堂耀者既肥

瘠音衛

榮如袞衣公棄不用

懲咎內訟既訟于內猶公之誨匪仁孰親匪德孰尊今

公于征孰表儒門生徒上言稽首帝閣謂天蓋高曾莫

我聞青衿涕濡填街盈衢遠送于南望慕跼蹐

上立恥下音厨

說文行
不遲也

立石書德用揚懿則嗚呼斯文遺愛罔極

唐故給事中皇太子侍讀陸文通先生墓表

陸質新舊史有傳本名淳字元冲學深於春秋少帥事趙匡匡帥突助助匡皆為典儒願傳其學時陳少游鎮淮南未任幕府薦諸朝授左拾遺累遷左司郎中歷信台二州刺史素與韋執誼善方執誼附叔文竊威柄用其力名為給事中皇太子侍讀避憲宗名遂改賜名贊卒於貞元二十一年又有類禮二十卷君臣圖翼二十五卷行於世其曰是歲嗣天子踐阼而理蓋貞元二十一年八月憲宗立改元元和也公集有答元饒州論春秋書云宗元出邵州不免卒業於陸先生之門書未又謂始至是州作陸文通先生墓表今以奉獻興宣英請之此表蓋作於

元和元年九月出

爲邵州刺史後

孔子作春秋千五百年以名爲傳者五家

前漢藝文志春秋分爲五

注謂左氏公羊穀梁鄒氏史氏

今用其三焉

左氏公羊穀梁也

秉觚牘

上音孤下音讀

焦思慮以爲論注疏說者百千人矣攻訐很怒

計居謁切說文

相斥罪相告訐也很下懸切說文不聽從一曰黷也

以辭氣相擊排冒沒者其爲

書處則克棟宇出則汗牛馬或合而隱或非而顯後之

學者窮老盡氣左覲右顧莫得而本則專其所學以訾

其所異

李將支切又音紫說文雙也

黨枯竹護朽骨以至於父子傷

夷君臣詆悖者前世多有之甚矣聖人之難知也有吳

郡人陸先生質與其師友天水啖助

啖音淡

洎趙匡能知

聖人之旨故春秋之言及是而光明使庸人小童皆可
積學以入聖人之道傳聖人之教是其德豈不侈大矣
哉先生字某既讀書得制作之本而獲其師友於是合
古今散同異聯之以言累之以文蓋講道者二十年而
志之者又十餘年其事大備為春秋集注十篇辨疑七
篇微指二篇明章大中發露公器具道以聖人為主以

堯舜爲的苞羅旁魄

步角切封禪書云旁魄四塞魄字唯此音步角切唐韻陈匹陌切外

別音托注史記落托貧無家集韻又作薄音白各切注

云聲之歐陽尚書火流于王屋爲鳥其聲魄韻中音義

於此不通今依封膠輶下上而不出於正

膠或作輶音膠輶音葛說

禪書云音步角切

文長遠貌一其法以文武爲首以周公爲翼揖讓升降

曰車馬喧雜

好惡喜怒而不過乎物既成以授世之聰明之士使陳

而明之故其書出焉而先生爲巨儒用是爲天子爭臣

尚書郎國子博士給事中皇太子侍讀皆得其道刺二

州守人知仁永貞年侍東宮言其所學爲古君臣圖以

獻而道達乎上是歲嗣天子踐阼而理尊優師儒先生
以疾聞臨問加禮某月日終于京師某月日葬于某郡
某里嗚呼先生道之存也以書不及施於政道之行也
以言不及觀其理門人世儒是以增慟將葬以先生為
能文聖人之書通于後世遂相與謚曰文通先生後若
干祀有學其書者過其墓哀其道之所由乃作石以表

碣

一無
碣字

唐故兵部郎中楊君墓碣

貞元十九年癸未為御史時作新史楊凝傳一
如公碣惟不載其以校書郎為書記耳疑初為
宣武軍節度判官時蓋汴州節度李萬榮疾甚
其子有不軌之謀朝廷以董晉為檢校左僕射
兼汴州刺史宣武軍節度度支營田汴宋觀察
使晉辟之於幕府也其守亳州亦晉之力焉

貞元十九年正月某日守尚書兵部郎中楊君卒某月

日葬于奉先縣某原既葬其子姪洎家老謀立石以表

于墓葬令曰凡五品以上為碑龜趺螭首

趺音膚說文足也螭抽如

切說文似龍而黃

降五品為碣方趺圓首

圖一作圭

其高四尺按郎

中品第五以其秩不克偕降而從碣之制其世系則紀

于大墓君諱凝字懋功與李弟凌生同日不周月而孤

伯兄憑翦髮為童家居于吳太夫人母道尊愛教飭謹

備君之昆弟孝敬出於其性禮範奉于其舊克有成德

輯其休光

輯音集敘也
書曰輯五瑞

東溥海岱南極衡巫文學者皆

知誦其詞而以為模準進修者率用歌其行而有所矜

式君既舉進士以校書郎為書記毗贊元侯于漢之陰

式徙荊州由協律郎三轉御史元戎出師用顯厥謀遂

入王庭為起居郎書事不回著垂國典又為尚書司封

員外郎革正封邑申明嫡媵

上丁歷切
下以正切

事連權右斥退

勿憚直聲彰聞仍參選部以馭羣吏姦臣席勢威福自

已他人求附離而不可得者

離音麗

公則却之私以胥史

求署一皆罷遣曰吾不以三尺法為已利害居喪致哀

內盡其志外盡其物而無有不得於心者服除為右司

郎中危言直已以致其誠然卒中於諛辭

諛彼義切並
子誠辭如其

所不得朝請以檢校吏部郎中為宣武軍節度判官毫

人缺守往蒞其政孤老撫安強猾戮死壑壑嶢嶢

上丘
交切

說文磽也下音
魯說文賦也

芟艾榛荒

芟音杉
刈草也

作爰田以贍人食濬

決潢汙築復堤防為落渠以定水禍理不半歲利垂千

祀會朝復命次于汴郊帥喪卒亂

帥一作帥據說傳說
為董晉幕府時孟秋

度橫縱挽軍治而疑亦荒酒音卒亂作
疑走還京師則作帥喪者字之誤矣

不可以入遂西

走闕下璽書迎門勞徠甚備以疾居家三年復登于朝

遐邇咏歌仍遇痼疾天子致問逾三月不賜告幸其愈

而用之遂卒天下文行之士為之悲哀嗚呼君有深淳

之行有強毅之志內以和於親戚正於族屬外以信於

朋友施於政事故身之進退人之喜戚繫焉凡其昆弟

申明

一作命

于朝制書成曰孝友君子謂楊氏其仁義之

府君之文若干什皆可以傳於世若某者以姻舊獲愛
不腆之文君實知之惟車馬幣玉無可以稱其德用君

之所以知者酬焉

子厚憑之婚見弘農楊氏
誌故曰某以姻舊獲愛云

故御史周君碣

御史周君周子諒也新舊史明皇開元二十有
四年冬張九齡等罷知政事遂以牛仙客為工
部尚書同中書門下三品仍知門下事二十五
年夏監察御史周子諒竊言於御史大夫李適

之謂仙客不才濫登相位大夫國之懿親何得
坐觀其事適之遲以子諫之言奏明皇大怒廷
詰之子諫辭窮擢之殿庭朝廷決杖死之公謂
在天寶年與史若不相合耳作之年月碣首紀
之

有唐貞臣汝南周氏諱某字某以諫死葬于某貞元十
二年柳宗元立碣于其墓左在天寶年有以諂諛至相

位

茹丑琰切
諛音腴

賢臣放退公為御史抗言以白其事得死

于墀下

墀陳尼切釋云墀地也
以丹漆地故稱丹墀

史臣書之公之死而佞

者始畏公議於虜古之不得其死者衆矣若公之死志

匡王國氣震姦佞動獲其所斯蓋得其死者歟公之德之才洽於傳聞卒以不試而獨申其節猶能奮百代之上以爲世軌者也

一無者也字

第令生於定哀之間則孔子

不曰未見剛者出於秦楚之後則漢祖不曰安得猛士而存不及興王之用沒不遭聖人之歎誠立志者之所悼也故爲之銘銘曰

忠爲美道是履諫而死佞者止史之志石以紀爲臣軌

兮

一本無兮字

唐故衡州刺史東平呂君誄

呂衡州名溫字和叔一字化光德宗貞元末自
集賢殿校書郎擢為左拾遺二十年大戎誦和
一問能使絕域者君以奇表有專對材膺選轉
殿內史還拜尚書戶部員外郎轉司封遷刑部
郎中兼御史剡治書之職會以誣奏李吉甫貶
道州刺史以此聞遂改衡州初從陸贄治春秋
又從梁肅為文章藻翰精富一時流輩推尚公
集又有與呂道州書正與溫論非國語也劉夢
得集有衡州刺史呂君集紀亦以文字互稱之
公謂至于化光爰擢其特信矣元和六年永州
作

維唐元和六年八月日衡州刺史東平呂君卒爰用十

月二十四日藁葬于江陵之野

藁音果

嗚呼君有智勇孝

仁惟其能可用康天下惟其志可用經百世不克而死

世亦無由知焉君由道州以陟為衡州君之卒二州之

人哭者逾月湖南人重社飲酒是月上戊不酒去樂會

哭于神所而歸余居永州在二州中間其哀聲交于北

南舟船之下上必呱呱然

呱音孤書落
呱呱而泣

蓋嘗聞于古而

觀于今也君之志與能不施于生人知之者又不過十

人世徒讀君之文章歌君之理行不知二者之於君其

末也嗚呼君之文章宜端於百世今其存者非君之極
言也獨其詞耳君之理行宜及於天下今其聞者非君
之盡力也獨其跡耳萬不試而一出焉猶為當世甚重
若使幸得出其什二三則巍然為偉人與世無窮具可
涯也君所居官為第三品宜得謚于太常余懼州吏

一作

判史之逸其辭也私為之誄以志其行其辭曰

麟死魯郊其靈不施濯濯夫子故潔其儀冠仁服義干

櫓書詩

櫓音魯說文大盾也

忠貞繼佩智勇承纂

音其

跨騰商周堯

聳是師道不勝禍天固余欺鬼神一作不怒妖孽咸疑

孽魚何付之德而奪其時嗚呼哀哉命姓為呂勤唐以

列切

力輔寧萬邦受昨昨音爾國一作昨維師元聖周以降德世征

五侯伊祖之則嗣濟厥武前書是式至于化光爰耀其

特春秋之元儒者咸感君達其道卓然孔直聖人有心

由我而得數施變化動無不克推理惟功舒文以翼宣

于事業與古同極道不苟用資仕乃揚進于禮司奮藻

含章決科聯中休問用張署讎百氏錯綜逾光超都諫

列屢皂其囊

後漢書皂囊帝時為陳藏大夫子以皂囊學深其故密特指問宜披露得失指陳此

要勿有依違自生疑難具對經術以皂囊封上

帝殊爾能人服其智戎悔厥禍

歎邇求侍盛選邦良難乎始使君登御史贊命承事風

動海壖

而宣切說文域下田也

皇威以致來總征賦甲茲郎吏制

用經邦時推重器諸臣之復周官匪易漢課牋奏鮮云

能備

後漢順帝陽嘉元年尚書令左雄上言孔子曰四十不惑禮稱強仕請自今孝廉年不滿四十不得

察舉皆先詣公府諸生試家法文史課牋奏

君自他曹載出於

一作其

技筆削

自任羣儒革議正郎司刑邦憲為貳糾佞肅邪諂諛具

畏遠理于道民服休嘉恩疎若昵惕邇如遐實閉其閭
而撫于家載其愉樂申以舞歌賦無吏迫威不刑加浩
然順風從令無譁繇繇外邑我繭盈車雜耕隣邦我黍
之華既字其畜亦藝其麻鼗鼓斯屏

藝音畢說文大鼓也

人喜則

多始富中教興良廢邪考績既成王用興嗟陟于獄濱
言進其律號呼南竭謳謠北溢欺吏悍民先聲如失逋
租匿稅歸誠自出兼并既息罷羸乃逸惟昔舉善盜奔

于隣

左傳宣公十六年晉士會帥師滅赤狄甲氏及留
吁鐸辰三月獻狄俘晉侯請于王戊申以獻免命

士會將中軍且為大傅於是晉國之盜逃奔于秦今我
羊舌職曰吾聞之尚稱善人不善人遠此之謂也

興仁化為齊人惟昔富人或賑之粟

左傳文公十六年宋公子鮑禮於國

人宋饑竭其粟而貸之年自七十以上無不饋詒也又襄公二十九年鄭饑而未及麥民病子皮以子展之命餼國人粟戶一鐘是以得鄭國之民故罕氏常掌國政今我厚生不竭而足邦恩

其弼人戴惟父善胡召災仁胡罹咎俾民伊祐而君不

壽矯矯貪凌乃康乃茂嗚呼哀哉廩不餘食藏無積帛

內厚族姻外賙賓客恒是懸磬

左傳室如懸磬野無青草何恃而不恐

逮

茲易簣

易音亦簣音責禮記曾子寢疾病樂正子春坐於牀下曾元曾申坐於足童子隅坐而執燭童子

子曰華而晬大夫之黃歟子春曰止曾子聞之瞿然曰
吁曰華而晬大夫之黃歟曾子曰然斯季孫之賜也我
未之能易也元起易黃曾元曰夫子之病革矣幸而至
於旦請敬易之曾子曰吾何求哉吾得正而斃焉斯已
矣舉扶而易之僮無凶服莫非舊陌嗚呼哀哉君昔與
反席未安而沒

余講德討儒時中之興希聖為徒志存致君笑詠唐虞

揭茲日月以耀羣愚疑生所怪怒起特殊齒舌噉噉牛噉

刀切說文雷動風驅良辰不偶卒與禍俱直道莫試嘉

衆口愁也

言周敦佐王之器窮以郡符秩在三品宜謚王都諸生
羣吏尚擁良圖故友咨懷累行陳蕃是旌是告永永不

渝嗚呼哀哉

唐故尚書戶部郎中魏府君墓誌

作之年月具本篇魏府君弘簡新舊史皆無傳
公諱宗元聞其道而觀其文也久居又同閑故
哀而銘之按柳公世系其先蓋河東人從曾祖
爽為中書令得罪武后死高宗時父鎮天寶末
遇亂奉母隱王屋山常間行求
養後徙於吳則府君亦吳人矣

魏氏世墓于某縣某原唐興有聞士諱之過者

遷宅歷切

與

子及孫咸舉進士嗣為儒家綿州涪城尉諱全珪

與實同

魏州臨黃主簿諱欽慈太常主簿諱緄

音哀

尚書膳部員

外郎兼江陵少尹諱萬成凡五代名高而不浮於行才具而不得其祿江陵府君益之以閤達之量經緯之謀故豪士賢大夫痛慕加厚生郎中府君諱弘簡字曰裕之以文行知名既冠而德禮聞於鄉黨既仕而法制立於官政溫柔發乎外見而人莫不親直方存乎內久而人莫不敬由進士策賢良連居科首授太子校書歷桂管江西福建宣歙四府為判官副使累授協律郎大理評事御史賜緋魚袋在州六年而人樂之廉使崔衍曰

吾敢專天下之士獨惠茲人乎遂獻于天子拜度支員

外郎轉戶部郎中邦賦克舉人望逾重年四十七貞元

二十年九月三十日不疾而歿震悼之聲遐邇一辭一作

一同一作同辭且曰斯人也而不得為善之利中人其怠乎君

嘗三娶而卒無主婦庭無倚廬戰國策齊王孫賈之母謂賈曰汝朝出而晚來

則吾倚門而望暮出而不還則吾倚廬而望堂無抱孤有令兄弟以主其喪

有孝女以守其祀故哭于客位弔于殯東者咸加哀焉

凡為部從事府喪而當其位者三州缺而居其守者二

皆得其理君之先再世貧不得葬故以祿仕遊於諸侯

薄衣食損車馬凡十有餘祀卒獲于厥心其族屬之無

主後者皆位於墓娣姪之無歸從者咸會於家由是處

約以終其世既斂家宰庀其政

庀善弭切說文治也具也

視廩唯釜

鍾視藏唯束帛無餘積焉十有一月遣車歸于洛師

遺詰

戰切周禮大裘飾遺車遂廬之行之說文遺祖奠也

某日柩于墓監察御史柳宗

元聞其道而說其文也久居又同開

音翰里門也

故哀而銘

之其辭曰

郎中之道惟直是保淳泊坦厚溫恭孝友郎中之文惟

孝是宣溥暢周流炳蔚紛綸為周賢能為漢賢良

周禮鄉大

夫之職三年則大比攷其德行道藝而興賢者能者漢
史武帝詔丞相御史列侯中二千石二千石諸侯相舉
賢良方正直始任讎校篇籍有光仍授使檄訐謨用揚
言極諫之士

二居郎位征賦以理休聲載起顯命伊始生而不壽孰
知其止歿而不嗣孰濟其美有嗣其旗爰舉棠帷行道
遲遲望墓而歸象物是宜卜筮孔時里人作銘不愧于

辭

故朝散大夫永州刺史崔公墓誌

公集又有祭崔史君敏文即永州公也文謂某
咸以罪戾謫茲炎方誌云以某年某月日歸葬
于某縣某原則此
誌當在永州時作

維元和五年九月十五日壬子永州刺史崔公薨于位
享年六十八乙未殯于路寢丙寅遷柩于舟以某年月
日歸葬于某縣某原祔于皇考吏部侍郎贈戶部尚書
府君之墓尚書諱猗玄宗南巡內禪聖嗣府君以謀畫
定命起一旅以復天下厥功載焉

猗於宜切禪音擅按
史玄宗天寶十四載

棟山反玄宗乃孫韋時肅宗在東宮亦親提諸軍討之既至平涼郡會朔方節度使杜鴻漸魏少游崔彥等奉踐迎上及至靈武遂從容進曰今寇逆衆常毒流涵洛王上倦勤移幸川蜀江山阻修奏請路絕宗社神器須有所歸萬姓翹願思崇明聖天意人事不可因違伏願殿下順其樂推以安社稷王者之大孝也凡六上殿詞情激切上不得已遂即皇帝位即日奏其事於上皇乃大赦天下以朔方度支副使大理司直杜鴻漸爲兵部郎中朔方節度判官崔彥爲尚書之先曰貴鄉丞贈太史部郎中並知中書舍人事

常少卿府君諱子美太常之先曰揚州江都丞府君諱

道禎

知盈切

行高位卑華冠士族公諱某字某承世德之

清源浚之以蠲潔

蠲主切

以端其志采羣言之枝葉植之

以茂實以循其能始由右千牛備身佐環衛

唐百官志左右千牛

衛工將軍各一人掌侍衛及供御兵仗以千牛備身左

右執弓箭宿衛以主仗又云千牛備身備身左右各十

二人掌

更盤屋三原藍田尉

盤屋隸鳳翔三原藍田
隸京兆盤音耕屋音室仍

執御刀

有大故三徙同位繼授許州臨潁汝州龍興令推以直

道二邑齊風哥舒曜尹河南鯨寇猾驚

鯨巨京切驚音教

黎人

播越表公尉河南稷糧芻茭

稷去久切又丘救切

戎備畢給版圖

田洳民事時又遷揚州錄事參軍實吳楚之大都會也

政令煩拏

女加切

責奉叢沓一日不膏

字當作葦諸韻皆無此字唯吳本楚

糾中葦字有如此書且文云一日

不葦鑄燕四至當是葦字明矣

鑄譙四至

鑄連全切
譙才笑切

言鑄秩萌

公為之優游有裕長史司徒杜公與之揖讓

異一作夷

於賓僚入為太子司議郎拜歸州刺史巖險湍

悍人類鳥獸古號難理公克有聲遷永州刺史朝散大

夫惟是南楚風浮俗鬼戶為胥徒家有襁褓大者虐

鰥孤以盜邦賦斂愚蒙以神訛言悖于政經莫有禁禦

公於是修整部吏黜侵凌牟漁者數百人以付信于下

而征貢用集擒戮妖帥毀蕞蒿淫昏者千餘室

蕞音薰
說文是

菜以舉正羣枉而田間克和寬以容物直以率下邦人
也方安其理措紳猶鬱其望體魄遽降哀何有窮嗚呼公
前夫人徐州參軍滎陽鄭鉅女有子曰義和早夭後夫
人萬年尉范陽盧彤女嘉淑之德繼聞宗族有子曰貽
哲貽儉克承于家洎公之兄子曰勵曰禮誠願志于墓
無忘公之德銘曰

孰為德門清河濬源其流汙汙自葉而根世有顯懿揚其
清芬煥炳增華昭于後昆惟魴與鯉舊史是尊孰為茂功

尚書清風藹其有融勃然而興披草從龍布令諸夏敷
和六戎赫矣大陽克昇于中孰為惠政公嗣餘慶形于
謠咏小程其功大遂其性黯吏是省照下妖風以正于
邑于邦克揚休命孰為遺愛公去昭代邦人斯瘳音每
林病也始焉是賴今也何戴孰冀我公于洛之會何以銘
之徽音不昧

故永州刺史崔君權厝誌

崔氏出自齊丁公呂伋食采於崔因以為氏後
分清河博陵二望據誌君諱簡字敬守其曰其

湘渚即永州也元
和七年壬辰作

博陵崔君由進士入山南西道節度府始掌書記至府
留後凡五徙職六增官至刑部員外郎出刺連永兩州
未至永而連之人懇君

懇音
訴

御史按章具獄坐流驪州

幼弟訟諸朝天子黜連帥罷御史小吏咸死投之荒外
而君不克復元和七年正月二十六日卒孤處道洎守
訥奉君之喪踰海水不幸遇暴風二孤溺死七月某日
柩至于永州八月甲子藁葬于社墳之北四百步崔氏世

嗣文章君又益攻博知古今事給數敏辯善謀畫南賊

蜀虜西遇戎師其慮皆君之自出後餌五石病瘍且亂

考音陽說文創麻也又

音易一特作易非是

故不承于初今尚有五丈夫子

夫人河東柳氏德碩行淑先佳君十年卒其葬在長安
東南少陵北君以竄沒家又有海禍力不克祔三年將
復故葬也徒志其一二大者云

鯢為祖畢為父世文儒積彌厚簡其名字敬守年五十

增以二藝湘渙

音筮說文
水涯也

非其地後三年辭當備

故萬年令裴府君墓碣

公集有梓人傳其首曰裴封叔之弟在光德里
當即聞喜也史傳裴光庭之子稹則刑部員外
郎府君諱稹甚明一作植非是司空杜公黃裳
也德宗葬崇陵順宗葬豐陵集又有裴君豐崇
二陵集禮後序即此所謂藏之南閣
者也葬在元和十三年碣蓋是時作

公諱瑾字封叔河東聞喜人太尉公諱行儉實高祖侍
中公諱光庭實曾祖刑部員外郎府君諱稹實祖大理
卿府君諱儼實父公由進士上第校書崇文館飭館事
修整左春坊由是立署局後參京兆軍事按覆校巡大

尹恒得以取直為太常主簿搜遯疑立

遯他歷切

探扶遯隱

扶音決

遯音鈍

宿工老師不得伏匿皆來會堂下者股肱

者渠伊切

詩者定

爾功

役喉喙以集樂事

家計藏切說文口也

作坐立二部伎圖

卿奇其績奏超以為丞司空杜公聯奉崇陵豐陵禮儀

再以為佐離紛危導滯塞關百執事條直顯遂司空拱

手以成自開元制禮諱去國恤章累聖陵寢皆因事肇

綴

擊音覽綴林衡切

取一切乃已有司卒無所徵公乃撰二陵

集禮藏之南閣轉殿中侍御史仍拜尚書比部員外郎

會校成要晷歲畢具刺金州決高施隙

上賞是切說文
弓解也隙去逆

切說文
院塞也

去人水禍渚茭原茅闢成稻梁陟萬年令業劇

辨肅談宴終日人視之若居冗曰不得三十萬吾能為

禍公大怒召罵之恣所為吏巧以聞御史按章具獄再

謫道州循州為左掾會赦量移吉州長史元和十二年

七月日病瘕泄卒

泄音
薛

始公以唯諾聞長安中奔人危

急輕出財力如索水火性開蕩進交大官不視齒類挾
同列收下輩細大畢歡喜博奕知聲音飲酒甚少而工

於紉謫謠舞擊罔

各切

纖屑促密皆曲中節度而終身

不以酒氣加人晝接人事夜讀書考禮收据榮牘

据俱運切

說文拾也

未嘗釋手以是重諸公間初娶范陽盧氏無子後

夫人柳氏德為九族冠生三男子喪其二焉貞元十六

年某月日卒祔于長安御宿之北原冢子銑

銑蘇典切一添汨永

字奉樞以明年月日克葬于墓銑以文書來柳州告其

叔舅宗元願碣于墓左則涕為之銘其辭曰

有鬱其馨惟裴之卿世服大僚仍耀烈名封叔申之實

惟其英雋書官闡佐職于京太常命吏以能增秩相儀

考禮大弁斯畢鳩工展伎爰備聲律或圖或書藏之府

室史于柱下

史記老子傳周守藏室之史也索隱曰藏室史乃周藏書室之史又張湯傳老子為

柱下史即藏室之

郎於會司

周禮司會之職以參互攷日成以月要考月成以歲

柱下因以為官名

會攷歲成以周知四國之治以詔王及冢宰

徵循以周

廢置謂裴府君為北部員外郎會校成要也

大比是宜作牧于金金人允懷溝防漢許塾沃卒移塾

念切書下

增我歲食易其芋魁游手間民相顧聚來徵

民昏塾

為萬年治劇于都百務叙成談宴以娛誰恤誰恃不忍

悍吏胡巧其辭按章以遂由道斥徭施施三年

施余支
初改易

也更赦進資廬陵是遷人曰世德宜慶于延又曰良能

宜力之宣朝有大賚期賜其還鬼神不享命殞在前長
原有墓高祖曾父淑靈是祔封叔爰歸左右惟具孤銑
磨石祈辭海甌遂升其趺于道之周

柳河東集卷九

謹案卷八第三頁後一行使人求諭謹案文苑英
華求作來與此異

第四頁前八行棲之梁案郭雲鵬本作棲之梁木
上與此異

第七頁後一行庠塾列焉刊本列訛別據郭雲鵬
本及文苑英華改

第七頁後八行不為細案文苑英華細下有故字
又家之迫連家字疑作加檢各本皆同姑仍之

第十三頁前六行累歷清貫案文苑英華清貫上
有臺閣二字與此異

卷九第二頁前七行若毛公申公涪公案秦漢人
無稱涪公者漢書儒林傳云於魯則申培公疑
此申下衍公字培誤為涪

第十四頁後七行逋租匿稅刊本稅訛役據文苑
英華改

第二十頁前五行家有襍梗刊本梗訛梗下行音

梗二字注案周禮女祝掌以時招梗禴禳之事
今據改刪



總校官候補中書臣吳紹潔

校對官庶吉士臣陳崇本

謄錄監生臣楊邦彥

欽定四庫全書薈要

集部

柳河東集卷十二

詳校官助教臣常循



柳河東集卷十

唐 柳宗元 撰

八首

唐故中散大夫檢校國子祭酒兼安南都護御史
中丞充安南本管經畧招討處置等使上柱國
武城縣開國男食邑三百戶張公墓誌銘

并序

張公名丹考之舊史在憲宗元和元年以安南
經畧副使為安南都護本管經畧使四年八月

丙申奏破環王國餘不可考而五年七月乃以
度州刺史馬德為安南都護本管經畧使公謂
張公某年月日死于位其書墓特曰用某月日
則張公之死及葬當是元和四五年間矣公時
蓋在永

州云

漢光中興馬援雄絕域之志晉武一統陶璜布殊俗之
恩理隨德成功與時並今皇帝載新景命丕冒海隅時
惟公祇復厥績交趾之理續于前人

唐志安南中都護
府本交趾郡武德

五年曰交
州治交趾

公諱某字某某郡人也曾祖彥師朝散大夫

尚書駕部郎中祖瑾懷州武德令考清朝議郎試大理

寺丞贈右贊善大夫咸有懿美積為餘慶公以忠肅循

其中以文術昭于外推經旨以飾吏事本法理以平人
心始命蘄州蘄春主簿句會敏給厥聲顯揚仍以左領
軍衛兵曹為安南經畧巡官中固扞衛有聞彰徽轉金
吾衛判官三歷御史績用弘大揚于天庭加檢校尚書
禮部員外郎換山南東道節度判官復轉郎中為安南
副都護賜紫金魚袋充經畧副使遷檢校太子右庶子
兼安南都護御史中丞充本管經畧招討處置等使公

自為吏習於海邦凡其比較勤勞利澤長久去之則夷

獠稱亂

獠音獠

復至而寇攘順化及受命專征得陳嘉謨

誓拔禍本納于夷軌乃命一其貢奉平其斂施收人盡

區處之方制國備刑體之法道阻而通百貨地偏而具

五人儲侍委積師旅無庚癸之呼

儲音除侍直理切積子智切周禮遺人掌

邦之委積以待施惠傳吳中叔儀乞糧於魯公孫有山
山曰登首山呼庚癸乎則諾注庚西方穀癸北方水軍
中不敢正繕完板幹控帶兼戊己之位

後漢西域傳武帝時西域內屬

言故謬諾有三十六國漢為置使者校尉領護之宣帝改為都護
元帝又置戊己二校尉屯田於車師前王庭注云戊己

中央鎮處四方又開渠播種以爲賦勝故稱戊己焉

文單環王佑力背義

單都寒切唐姓

可單氏後改爲單氏

公於是陸聯長轂海合朦朧

二音蒙下音同博雅云舟也

再舉而克殄其徒廓地故

一作數

所以歸于我理烏蠻酋

帥負險獲德公於是外中皇威旁達明信一動而悉朝

其長取州二十以被於華風易皮弁以冠帶化姦宄爲

誠敬皆用周禮率由漢儀公惠浮海之役可濟可覆而

無所恃乃剗連烏以闢坦途

連烏未詳然當是山名剗音枯

鬼工來并

人力罕用沃日之大東成通溝摩霄之阻砮爲高岸

音砮

昔說文摘也周官有砮蒺八

而終古蒙利公患疆場之制一彼一此

而不可常乃復銅柱為正制鼓鑄既施精堅是立

唐史南蠻

傳環王本林邑也一日占不勞亦曰占婆直交州南海行三千里地東西三百里而巖南北千里西距直臘霧溫山南抵奔浪陀州其南大浦有五銅柱山形若倚蓋西重巖東涯海漢馬援所植也其後馬援克安南都護時其在南海累年清康不撓夷獠使之乃於漢所立銅柱處以銅一千五百斤特鑄二柱刻書唐德以繼伏波之迹以公誌觀之則張公亦嘗有是作特史不書之耳

固圉之下明若白黑易野

之守險逾丘陵

易以鼓切周禮險野人為圭易野車為主此言雖易而險也

而萬世

無虞奇琛良貨溢于王府

琛彘林切爾雅曰寶也

殊俗異類盈于

藁街

魏都賦藁街之鄉不能及注藁街即蠻夷之館漢時所立也

優詔累旌其忠良

太史嗣書其功烈就加國子祭酒封武城男食邑三百戶凡再策勲至上柱國三增秩至中散大夫某年月薨于位年若干天子震悼傷辭有加明年其孤某官與宗人號奉裳帷率其家老咨于叔父延唐令某卜宅于潭州某原葬用某月某日人謀皆從龜兆襲吉乃刻茲石著公之闕以志于丘窆

音釗又克芮切說文穿地也周禮大喪甫窆

以告于

幽明銘曰

周限荆衡

荆衡之地在周非所有
至秦始皇并為三十六郡

秦開百粵

秦始皇并天下分為

三十六郡平百起又置閩中南

交州之治炎劉是設

武帝

海桂林象郡四郡粵與越同

初置交趾郡元鼎

德大來服道消自絕伏波南征漢威

六年開屬交州

載烈

伏波馬援
也事見上

宛陵北附晉政爰發

謂晉武太康元年
王濬克西陵杜預

克江陵吳滅孫
皓受降於晉也

我唐流澤光于有截皇帝中興武城授

鉞肅肅武城惟夫之哲更歷毗贊顯揚彰徹既受休命

東茲峻節度其謀猷守以廉潔厚農薄征匪貊匪桀

音貊

陌孟子欲輕之於堯舜之道者大貊小貊也欲重之
於堯舜之道者大桀小桀也注貊蠻貊桀夏桀也通

商平貨有來胥悅踐山跨海堅其鶴列

莊子必無盛鶴列於麓燕之間

制器足兵潰茲蟻結

禮蟻結于四隅

烏蠻屈服文單剪滅柔遠

開疆會朝天闕銅柱乃復環山以砮海無遘迂

音干又音什

冠罔踰越琛賫之獻

賫孫力切與贖同

周于窮髮帝嘉成德戴

旌茂開增秩策勲土封斯裂位厄元侯年虧大耋

徒結切乾

文平八邦人號呼夷裔悽咽卜筮長沙連崗啓穴書銘

薦辭德音罔缺

唐故邕管經畧招討等使朝散大夫持節都督邕

州諸軍事守邕州刺史兼御史中丞賜紫金魚

袞李公墓誌銘

并序

考之史志太宗文武大聖皇帝十四子長曰承乾承乾生象象生玼玼生麋麋生位位即邕管經畧招討使也禮記曰別子為祖繼別為宗繼禰者為小宗注曰別子為公子始末在此國者後世以為祖又曰繼別為宗者別子之世適也族人尊之謂之大宗是宗子也又曰繼禰為小宗者父之適也兄弟尊之謂之小宗誌謂別子曰承乾繼別曰象大宗曰玼以是推之蓋可得而考矣據墓在元和十四年誌是時作

公諱某字某實惟文皇帝之玄孫別子曰承乾

別年為列切

皇太子以藩愛逼奪危慄致禍後封恒山為愍王贈荆

州大都督繼別曰象斯春郡太守贈越州大都督封郢

國公太宗曰玼

駢迷毗
實二切

太子詹事贈秘書監生廩

音尚

書左丞凡四代有土田居貴仕公丕承之以率南服克

荷天休繼有功德公始以通經入崇文館登有司第選

同州參軍入佐金吾衛進太僕主簿參引大駕府移為

左右神策行營兵馬節度以為推官拜監察御史賜緋

魚袋凡二使其率皆范司空希朝

率音帥

進殿中侍御史

湖南都團練判官以寬通簡大輔治得中道府遷主後

事師人愛慕欲以貞元故事為請

唐藩鎮傳安史亂天下至肅宗大難畧平

君臣皆幸安故瓜分河北地以授叛將護養萌孽以成禍根亂人乘之遂擅署吏以賦稅自私至大歷貞元之間其弊尤甚公謂貞元故事者蓋欲擅署之也公恐懼抑留復徙浙東為都團

練副使轉侍御史又徙浙西如其職加著作郎凡三使

其率皆薛大夫革

率音帥

刺岳信二州得劉向祕書以能

卒化黃白日召徒試術為仇家上變就鞠無事初笞殺

告者猶降建州司馬陟刺泉州會烏猱夷叛

猱字諸額皆無或謂

當作信然考之史傳蓋是烏汧也

殺郡吏毆縛農民詔以公都督邕州

兼御史中丞賜紫金魚袋為經畧招討使既至則執弓

橐甲

殺音鞠弓衣也橐音託橐也

去斥候禁部內無敢以賊名使得

自澣濯諸酋長咸頓首送款放虜獲輸稅奉貢願比內

郡人遣子吏都督所人復耕稼無有威刑居五月頃有

黑螭鼓江

螭音癡狀似龍無角

流壞北岸直城南門覆船殺人然

後去父老泣曰吾公其殆矣嘗合汞流黃丹砂為紫丹

汞胡貢切與瀕同說文水銀也

能入火不動以為神服之且十年然卒

以是病暴下亦黑數日薨實元和十三年六月十五日

年五十七條宰庀事有緹五兩

緹音題又它禮切說文亦色帛兩直讓切周禮

無過五兩無金銀泉貝幾不克斂夷人號呼致幣歸以明年

月日葬附其穆長安西南高陽原上夫人陳氏先公十

五年沒父曇亦都督邕州終孤孟與愿且文亞曰仲權

次曰李謀年自九歲以下有兩壻博陵崔行儉勁峭有

立志榮陽鄭師貞敏捷能羣皆聞名銘曰

文濬維祥實亘實延冢護不嗣宗以支傳邨公克庸唐

事繼賢從從左丞

從去聲切觀文木清也特從從其止

惟道之宣公寬且

惠以教則順五參戎政二佩郡印帥歡民愛克懷以信

設辭告訕

一作訟

卒白其訊烏髡猖狂盜海剽山帝命于

南逝彼羣蠻虎龍煌煌英蕩是將舟之金玉以為公服

公既蒞止告以文理推義赴仁攷弓服矢

攷音鑑與上同

闢是

垣壘完其父子復我邦賦施予卒士兒不功矜情不伐

喜蠻人涕懷投刃以俟方底成績虫孽告妖悍石構灾

升屋而號椎髻卉裳

椎音徒髻音介卉許里切皆夷服也

來聘來觀撫撫

鱗原

鱗音武美也
詩周原無陂

附之顯魂松柏芊芊

音千茂也

封域安安

代有高墳堯文之孫

唐故試大理司直兼貴州刺史鄧君墓誌銘

并序

鄧氏出南陽安定二望商王武丁封叔又說於
河北是為鄧侯後因為氏一曰本曼姓春秋有
鄧侯吾離後為楚所滅因為氏焉公謂刺史鄧
君為曼姓之裔則系蓋出此京兆尹弘農公楊
憑也據誌云元和五年卒明年
某月日葬誌當是五年作云

君諱某字某南陽人漢司徒禹之世也曾祖倚皇建州
浦城令祖少立皇滄州司馬考邕皇左武衛兵曹參軍

惟君敏給以御下廉忠以承上幹盡之稱洽於諸侯

音盡

古信謹之跡彰于所蒞故自始仕以至沒世未嘗無聞

焉初以試太常寺奉禮郎更職於劔南湖南江西前後

連帥咸器其能以柄於事於劔南則亭擬閭實以修官

刑盡哀敬之情致淑問之頌寬猛之適克合于中於湖

南則外按屬城內專平準蒞卅人錫石之地

卅古猛切周禮卅人

掌金玉錫石之地而為之厲禁以

參臯氏鼓鑄之功

周禮

臯氏為鐘兩樂謂之鈇鈇

間謂之于于工謂之鈇益山告祥國用益贍吏無並

緣以巧法

並蒲浪切

人無怨讟以苦役

讟音讀怨也

凡處斯職莫

能加焉於江西則旁緝傳置下繩支郡俾無有異政以

一於詔條財賦之重待君而理無何邕州經畧使路公

恕奏署試大理評事兼貴州刺史參帷幕之任董龜虎

之威夷俗敬愛革面受事朝廷將以武定南服命安南

大校御史中丞趙良金為邕州復以君兼招討判官錄

其異能奏加司直昇招討副使兼統橫廉貴三州事尤

茸之下

尤模逢切又莫紅切茸而融切又如客切說文亂兒

直道有立獷悍之內

續古猛切悍下
罕切又音汗

義威必行賦增而不擾法一而無憾然

以憂慄間於多虞卒成耳目之塞道致齒牙之猾元和
五年五月二十一日疾卒於公館年五十五明年某月
日返葬於潭州某原夫人隴西李氏大理評事練之女
年三十三貞元十六年終於郴州有子四人曰贄曰某
贄十三年矣哀禮具焉京兆尹弘農公始由湖南為江
西再以君為從事知之最厚痛君之能不施於劇任惜
君之志見屈於羣疑且以誌授宗元使備其闕古者觀

其所使而知在上之德今也觀其所使而知在下之誠
嗚呼可無辭乎銘曰

曼姓之裔司徒隆漢惟君是承有植其幹始屬奉常出

參藩翰議猷西蜀

猷語寔魚戰巨列
三切並議罪也

平其狴犴

工部禮
切下音

岸獄
名

巡視南楚總茲條貫貿遷化居

貿音懸書貿
遷有無化居

貨殖

攸贊改煎鎔範貢輸增筭既飭財賦亦專傳館

傳柱
應切去

牧荒陬肅其聽斷攷數以息

攷音奪
數音據

暴戾斯逕行非選

事進不避難始賴其寧終聞見憚疾與憂積志隨魄散

年極中身葬茲高岸才耶命耶君子興歎

呂侍御恭墓誌

公常為衡州刺史東平呂君溫誄今又誌呂侍
御恭墓其稱述二君蓋詳相國尚書鄭公蘇慶
也元和八年
癸巳永州作

呂氏世居河東至延之始大以御史大夫為浙東道節
度大使延之生渭為中書舍人尚書禮部侍郎刺湖南
七州生四子溫恭儉讓以溫為尚書郎再贈至右僕射
恭字敬叔他名曰宗禮或以為字實惟呂氏宗子尚氣

節有勇略不事小謹讀從橫書

從子容切

理陰符握機孫子

之術曰我師尚父冑也大父洎先人咸統方岳今天下

將理平蔡克冀幽洎戎猶負命蚤夜呼憤以為宜得任

爪牙畢力通天子命作文章咸道其志云又曰由吾兄

而上三世世為進士吾之文

之一作為

不墜教戒獨武事未

克續厥緒

續作管切

因棄去從山南西道節度府掌書記預

謀畫不甚合以試守軍衛佐加協律郎入薦為長安主

簿復出以監察御史參江南西道都團練軍事府表進

殿中侍御史爲桂管都防禦副使元和八年去桂州相

國尚書鄭公逖留假嶺南節度判官至廣州病痠瘧加

瘧

瘧舊本作疥胥山沈公謂當作痠音瘧疾也瘧音帝又音帶說文創也一日下病

六月二十

八日卒妻裴氏戶部尚書延齡女有丈夫子三人曰興

曰瓌曰特女子三人曰環曰鸞曰倩皆幼行於道而倩

又死遂以柩如洛陽祔葬於大墓歛志呂氏世仕至大

官皆有道宜興於世溫洎恭名爲豪傑知者以爲是必

立王功活生人不幸溫刺衡州年四十卒恭未及理人

年三十七又卒世固有有

一無下
有字

具具而不及其用若

溫恭者耶恭兒竒壯有大志信善容物宜壽考碩大而又不克呂氏之道惡乎興銘曰

淪淪之風乎不可追

淪音滿
大聲也

有志之大兮今安歸呂君

去我死乎吾誰依

唐故嶺南經畧副使御史馬君墓誌

御史馬君史無其傳考之表系亦莫詳公元和十年三月出為柳州誌云元和九年卒明年其孤使以狀來謁銘當是在柳時作也司徒杜公佑嗣曹王舉尚書戴公曾尚書趙公昌此皆其

所嚴事者皆曰余一
即公之從兄弟云

元和九年月日扶風馬君卒命于守龜柩于先君食卜
葬明年某月庚寅亦食其孤使來以狀謁銘宗元刪取
其辭曰君凡受署往來一作事桂州嶺南江西荆南道皆

大府凡命官吏佐軍衛錄王府事番禹令江陵戶曹錄
府事監察御史皆為顯官凡佐治由巡官判官至押番

舶使

舶音白蠻夷
泛海舟曰舶

經畧副使皆所謂右職凡所嚴事御

史中丞良司徒佑嗣曹王臯尚書冑尚書伯儀尚書昌

皆賢有勞諸侯其善事凡管嶺南五府

謂嶺南安南桂容邕也韓集有

送鄭權尚書序曰嶺之南其州七十其二十二隸嶺南

節度府其四十餘分四府府各置帥然獨嶺南節度為

大府大府始至四府必使

儲峙出卒

詩文里切

致穀以謀叶

其佐問起居正謂此也

平哥舒晃假守州邑民以便安殄火訛殺吏威海鹽增

筭邦賦大減所至皆用是理年七十不肯仕曰吾為吏

逾四十年卒不見大者今年志慮耗終不能以筋力為

人羸縮因罷休以經書教子弟不問外事加七年卒君

始以長者重許與聞凡交大官皆見禮司徒佑嘗以國

事徵顧謂君曰願以老母為累受託奉視優崇至忘其
子之去君諱某字某曾祖某某官祖某某官父某某官
嗣子隴西李氏出曰徵由進士為右衛曹曹早沒次四
子皆京兆韋氏出曰倣曰倣曰敏曰庭女一人嫁柳氏
壻曰宗一其銘曰

不懈于位不替于謀慮冠以平撫民以蘇偕夫不孽悍
吏不牟惟寶于鹽亦贏其籌公以忠施私以義躋既至
于年乃靜于懷衣柔膳甘子掖

一作侍

孫携觀經考古教

導斯齊克壽克樂嗚呼終哉于陰之原爰位其墓千萬
子孫來拜來附

唐故安州刺史兼侍御史貶柳州司馬孟公墓誌

銘

孟氏系出魯桓公子仲孫之後仲孫為三桓之
孟故曰孟氏也誌云九年者元和九年明年用
兵于蔡者謂元和十年討吳元濟也
其年孟卒此誌當作於十一年云

孟氏之孤曰遵慶奉其父命書九篇為善狀一篇來告曰
月日君薨月日將葬于某敢請刻辭嗚呼公自假左贊

善大夫柏王司馬太常少卿為義成軍中軍兵馬使其

帥魏國公耽為宰相

耽實魏也

命公左領軍衛將軍事德宗

順宗今上立朝九年加朝議大夫居喪會用兵

一有子字趙

起復居故官為左神策行營先鋒兵馬使知牙而趙兵

罷不受祿去金革服喪終期命安州刺史仍加侍御史

安州防遏兵馬使貶柳州司馬公嘗佐魏公平襄陽靖

梁州立義成軍魏公弘大恢奇公能以任軍政是以又

為衛將軍虔恭潔廉動得禮節伐趙之役堅立堡壘誓言

死麾下法制明具權力無能移進不備患退不敗禮安
州迫寇壤多戎事政出一切吏以文持之故貶明年用

兵

一有
于字

蔡朝廷諸公洎外諸侯咸以公為請未及徵氣

乘肺溢為水浮膚而卒年六十惟公志專于中貌嚴于

外嘗立廷中毅然望之若圖形刻像聞國難輒不寢食

謀度憤咤

涉駕切
叱怒也

以故病不可治曾祖某官諱某祖某

官諱某父某官諱某公之諱曰常諱子遵慶弟曰某銘

曰

魯仲孫氏其世為孟賁勇光武軻儒紹聖公傳師法以
訓戎政執稽以庸咸致厥命濟濟于朝冕服以光墨非
從利終役服喪忠孝孔明君子攸彰昔者雲中六級下
吏公刺于安法亦可議黜伏南荒豪士歔歔
上音虛 下音戲聞
難以激去食廢寐神乖氣離支膈莫遂廷臣進言侯伯
拜章帝命將施俄什于京代山兀兀植栢與松其名惟
何忠孝孟公

故連州員外司馬凌君權厝誌

年月誌雖不書然凌君謂念生於辰今而遇乎
戊辰成衡也吾其死矣乎及是如其言當是元
和三年戊子也公與凌君元和元年同貶員外
司馬誌在三年永州作或謂作於元年誤矣集
又有哭連州員外凌司馬詩即與此同時別
集又有後誌而此本不載已別列之外集

年月日尚書都官員外郎和州刺史連州司馬富春凌

君諱準卒于桂陽佛寺先是六月告于州刺史博陵崔

君曰余嘗學黃帝書切脉視病今余肝伏以瀉

音邑不滑也

腎伏以代將不臘而死審矣凡余之學孔氏為忠孝禮
信而事固大謬卒不能有立乎世者命也臣道無以明

乎國子道無以成乎家下之得罪于人以謫徙醜地上
之得罰于天以降被罪疾余無以禦也敢以鬼事為累
又告為老氏者某曰余生於辰今而遇乎戌辰戌衝也
吾命與脉叶其死矣乎吾罪大懼不克歸柩於吾鄉是
州之南有大岡不食吾甚樂焉子其以是葬吾及是咸
如其言云孤夷仲求仲以其先人之善余也勤以誌為
請嗚呼君字宗一以孝悌聞于其鄉杭州刺史常召君
以訓于下讀書為文章著後漢春秋二十餘萬言又著

六經解圍人文集未就有謀畧尚氣節賙人之急出貨

力猶棄糶糶

工音亡糶旁卦切不成粟也

年二十以書干丞相丞相

以聞試其文日萬言擢為崇文館校書郎又以金吾兵

曹為邠寧節度掌書記涇之亂以謀畫佐元戎常有太

功累加大理評事御史賜緋魚袋換節度判官轉殿中

侍御史府喪罷職後遷侍御史為浙東廉使判官撫循

罷人

罷音痕

按驗汙吏吏人敬愛厥績以懋粹然而光聲

聞于上召以為翰林學士德宗崩遇臣議秘三日乃下

遺詔君獨抗危詞以語同列王伾畫其不可者十六七
乃以旦日發喪六師萬姓安其分遂入為尚書郎仍以
文章侍從由本官參度支調發出納姦吏

一作利又
誤作和 襄

止以連累出和州降連州居母喪不得歸而二弟繼死
不食哭泣遂喪其明以沒蓋君之行事如此其報應如
此夫人高氏在越孤四人南仲殷仲在夫人所未至執
友河東柳宗元哀君有道而不明白於天下離慙逢尤
天其生且又同過故哭以為志其辭哀焉銘曰

噫凌君生不淑學孔氏揚芬郁好謀謨富天祿讎禁書
贊推轂觀靈龜獲貞卜徙東越翊明牧罷人蘇汚吏覆
升侍從躬啓沃匡危疑興大福吏尚書徒隸肅佐經邦
財用足道之蹟音致身則辱烏江垂九疑麓仍禍凶邁茲
酷能知命無怨毒罪不泯死猶倖音幾何以葬南嶺曲魂
有靈故鄉復封茲壤歸骨肉為之銘志陵谷

故嶺南鹽鐵院李侍御墓誌

據誌元和十三年辛卯年某月日甲子葬伊闕即十四年也誌是時作

天寶中詔李氏田涼武昭王以下皆得籍宗正故沂州
刺史福以姑臧人附屬於寧岐為族曾祖生樂壽令昱
昱生虢州司馬叶世以儒聞叶生監察御史澣字濯纓
明兩經仕歷永興臨晉尉會天子方事誅伐南平蔡北
服趙西走戎東討齊魯五年間兵征卒戍糴行千里凡
進用唯財賦為難君以試大理評事佐荆南兩稅使督
天下諸侯之半調食饒給車擊舟連又守湖南鹽鐵轉
運院以能還官移嶺南益積功勞以介屬敦勤為率

一無

率
字
羣史先年五十三元和十三年月日卒妻廬江何氏

凡五世世鄭出父曰士鏐季父曰士幹有大名君之子
二人曰夔曰導女一人曰某夔導皆幼不能事何夫人
哭且戒柩行萬里咸觀其禮焉葬伊闕用明年某月日
甲子銘曰

涼為帝基克顧厥胤皇弘國牒四邑顯進沂以屬尊世
仕倚儒憲憲濯纓亦用學徒既穀既官式懋爾勞四方
用師卒食之饒致其廉介率是諸侯于荆于交關石是

鈞邦有休功惟吏之勤興施于大以盡其有執司壽夭
君不免久吉日來祔伊闕之墓子嗣孫承有逢宜興銘
詔于神永永是徵

柳河東集卷十

柳河東集卷十一

唐 柳宗元 撰

誌碣誄一十一首

故試大理評事裴君墓誌

元和十四年卒誌亦是時作也周官小宗伯之職辨廟祧之昭穆注云父曰昭子曰穆也君之諱字考之史表皆不詳

裴氏之昭

音韶

曰贈戶部尚書諱某穆曰起居郎諱某生

均州刺史諱某均州與其弟大理更為刑部郎用文史

名於朝善杜禮書長子曰某射進士策不中去過汴韓

司徒弘迎取為從事以聞拜太子通事舍人進大理評

事當代蔡及鄆汴常為軍首贊佐有勞既事將侍太夫

人于京師道發疽

子余切

元和十四年月日終於河南敦

厚里年若干字曰某弟某以其喪歸葬于某縣某里未

果娶有男子二人女一人男之長曰某通兩經始杖且

廬銘曰

世守不遷秀于士鄉不利有司爰客于梁梁委其躬乃
相戎政宮臣理屬仍受國命南蔡北曹五載首兵柔剛
輔理平視太平馬牛既寧告養于京棧車草草
棧仕
諫切我
來周道載飢載勞神奪其孝形經于洛魂其焉如庶終爾
誠陰侍里閭膳飲不違有弟之恭既安且盈厥志斯從
銘之故人以慰爾衷

故大理評事柳君墓誌

元和六年

永州作

晉之亂柳氏始分曰耆為汝南守居河東又五世曰慶
相魏魏相之嗣曰旦仕隋為黃門侍郎其小宗曰楷至
于唐刺濟房蘭鄆四州楷生夏縣令府君諱繹繹生司
議郎府君諱遺愛皆莫長安少陵原遺愛生御史府君
諱開葬南陽其嗣曰寬字存諒讀其世書揚于文辭南
方之人多諷其什頗學禮而善為容修史事始仕家令
主簿進左驍衛兵曹試大理評事為嶺南節度推官荆
南永安軍判官府罷為游士出桂陽下廣州中厲氣嘔

泄卒於公館元和六年八月七日也年四十七前娶琅
邪王拱子拱國子祭酒後娶河東裴陵子陵告成令裴
氏之出曰裴七君之從弟以君之喪歸過零陵哭且告
于宗元曰吾伯兄從事嶺南其地多貨其民輕亂能以
簡惠和柔匡弼所奉假守支郡海隅以寧關很仇怨敦
諭克順從公于荆綏戎永安仍專郡治政用休阜是時
蜀寇始滅邦人瘡痍懷君之澤咸忘其痛其理也惠而
不施之於大其行也和而不至于年其言也文而不顯

其聲今將以某月日祔葬苟又不得令辭而誌焉是無以蓋前人之大痛敢固以請嗚呼余懼辭之不令以為神羞余敢不諾銘曰

柳族之分在北為高克于史氏世相重侯中書之世寔曰蘭州夏縣政良司議德優營營御史乃佐元侯惟君是嗣其政克脩儲闡補史環衛分曹南越之庖從事以寧永安披攘荐仍于兵是董是輕既柔且平浩浩呻吟革為和聲胡不使壽而奪之齡提一作于海孺而宜切

框 城下田

也壙于鄧邦

漢書卷之八

屢第孔哀惟行之恭呱呱小子線

而不廕

誄音佳

克克令妻髻首而居

髻側瓜切禮男子免而婦人髻以麻約髻

也鳥獸號鳴助我跼蹐刻此悲辭藏之與隅

故祕書郎姜君墓誌

楚國公皎初以玄宗在藩邸時皎察其有非常之度尤委心焉迨即位召拜殿中少監數召入卧内命之捨敬曲侍燕私呼之而不名其後逾過日甚其子慶初生未晬玄宗許尚公主後逾二十餘年及相林甫即皎之甥遂從容奏之故驟加恩命詔慶初尚新平公主授駙馬都尉公謂寧為開元皇帝外孫且曰子慶初得尚公主其目蓋如此也元和十四年柳州作

秘書郎姜寧

諱

字某開元皇帝外孫也始楚國公皎與

工游益貴辛子慶初得尚某公主生萼萼生三日上曰

他物無以餉吾孫即勅有司以第六品告與緋衣銀魚

得通籍出入凡名是官七十某年終不徙然其間在蜀

漢荆楚以大諸侯命守州邑輒以勞稱時缺則復命好

遊嗜音以生貴富畜妓能傳宮中聲賢豪大夫多與連

歡後加老風病手足奇右

奇渠
爾切

可用不能就官士有載

酒來則出妓搏髀笑戲

髀部
禮切

觀者尚識承平王孫故態

元和十四年月日終桂州都督御史中丞裴公曰噫帝
戚也葬不可以廉為具物祭以豚酒月日葬州東南一
里子某年若干母曰雷姬銘曰

始賤終貴於世為遂幼榮老窮在物為凶均之得喪誰
缺誰豐若君者銀朱於始生鐘鼎以及壯不矍矍於進
取矍矍矍矍切說文欲速走也不施施於驕伉左絃右壺樂以自放雖

老而客死未嘗戚乎已與夫拳拳恐悸蒙詔負義得之
拘拘榮不蓋愧以終其身而不能止者不猶優乎

亡友故祕書省校書郎獨孤君墓碣

貞元十八年

藍田尉作

嗚呼有唐仁人獨孤君之墓祔于其父太子舍人諱助之墓之後自其祖贈太子少保諱問俗而工其墓皆在灊水之左

灊水出藍田谷北入渭隸長安灊音霸

今王父營陵於其側故

再世在此嗚呼獨孤君之道和而純其用端而明內之為孝外之為仁默而智言而信其窮也不憂其樂也不淫讀書推孔子之道必求諸其中其為文深而厚尤慕

古雅善賦頌其安咸歸于道昔孔子之世有顏回者能
得於孔子後之仰其賢者譬之如日月而莫有議者焉
嗚呼獨孤君之明且仁如遭孔子有兩顏氏也今之世
有知其然者乎知之者

一無知之者三字

其信於天下乎使夫

人也天而不嗣世之惑者猶曰尚有天道嘻乎甚耶君
諱申叔字子重年二十二舉進士又二年用博學宏詞
為校書郎又三年居父喪未練而歿

禮練而慨然
汪練小祥也

蓋貞

元十八年四月五日也是年七月十日而葬鄉曰某鄉

原曰某原嗚呼君短命行道之日未久故其道信於其
友而未信於天下今記其知君者于墓韓泰安平南陽
人李行諶元固其弟行敏中明趙郡贊皇人柳宗元河
東解人崔廣畧清河人韓愈退之昌黎人王涯廣津太
原人呂溫和叔東平人崔羣敦詩清河人劉禹錫夢得
中山人李景儉致用隴西人嚴休復玄錫馮翊人韋詞
致用京兆杜陵人

故襄陽丞趙君墓誌

趙公殁之葬自貞元十八年至元和十三年已
十七載之久來章乃能求於人所不知者其異
如此來章之孝公謂神實憫之錫之
老叟告以先語信哉元和十三年作

貞元十八年月日天水趙公殁年三十二一作四十二客死

于柳州官為斂葬于城北之野元和十三年孤來章始
壯自襄州徙行求其葬不得徵書而名其人皆死無能
知者來章日哭于野凡十九日唯人事之窮則庶於卜

筮五月甲辰卜秦剗兆之曰剗持康切一作利金食其墨而火

以貴其墓直丑在道之右南有貴神冢土是守乙巳于

野宜遇西人深目而髯其得實因七日發之乃覲其神

明日求諸野有叟荷杖而東者問之曰是故趙承兒耶

吾為曹信是邇吾墓

一云於是

噫今則夷矣直社之北二百

舉武吾為子藺焉

藺祖悅切說文朝會束茅表位曰藺春秋置茅藺未坐

辛亥啓

土有木焉發之緋衣緇衾

緇將侯切青亦色

凡自家之物皆在

州之人皆為出涕誠來章之孝神付是叟以與龜偶不

然其協焉如此哉六月某日就道月日葬于汝州龍興

縣期城之原夫人河南源氏先歿而祔之矜之父曰漸

南鄭尉祖曰情之鄆州司馬曾祖曰弘安金紫光祿大夫國子祭酒始於由明經為舞陽主簿蔡師反犯難來歸擢授襄城主簿賜緋魚袋後為襄陽丞其墓自曾祖以下皆族以位時宗元刺柳用相其事哀而旌之以銘

銘曰

訓也挈之

挈音契
錯龜也

信也繩之有朱其紱神具列之懇懇

來章神實恫汝

恫音通
說文痛也

錫之老叟告以兆語靈其鼓

舞從而父祖孝斯有終宜福是與百越蓁蓁羈鬼相望

晉亡在外而
望其運也

有子而孝獨歸故鄉涕盈其銘旌爾勿忘

故溫縣主簿韓君墓誌

弓高侯韓王信之子顏當也鄆州公及著作郎
與萬州史表亦不詳其名君之弟二長曰豐季
曰泰泰亦為祠部郎
中云貞元十六年作

有故唐溫縣主簿韓慎字某漢弓高侯其先也徙于南
陽傳世至今唐侍中諱瑗克用貞亮奮于國難侍中兄
子鄆州刺史諱某某生御史著作郎諱某某生尚書庫
部郎中萬州刺史諱某嗣以文行大其家業君萬州長

子也以父任為建陵掾郎累調授王府參軍襄州襄陽尉至于是邑貞元十六年又調于天官署河陽丞未拜十有一日暴病卒于長安永崇里先人之廬又十有一日龜策襲吉柩于咸陽洪濟原先人之墓禮也先三日外姻家老謀為之志季弟泰哀不能文故託于友焉嗚呼生也以其弟之恭知君之為友沒也以其弟之戚知君之為愛惟友愛出于孝移于忠施于人事無往不達余故得受其辭書于石曰友而愛而忠孝宜之貌稱其

行行稱其辭賤而不壽為善是悼柎于祖考初筮攸告
季也之純寘哀無垠終窶且貧窶郡羽切控于仁人備物稱
家其儀式陳爰相其悲載刻茲珉

東明張先生墓誌

先生自誌世莫得傳然謂吾生天寶年乾貞元
乙酉當是二十一年也明年正月某日葬即元
和元年公時在永州作蓋先
生死於封而封與永為近也

東明先生張氏曰因嘗有以文薦於天子天子策試甚
高以為長安尉一年投去印綬願為黃老術詔許之居

東明觀三十餘年受畢法道行峻異得衆真秘書訣錄
聚經籍圖史侔於麟閣以弟回降秩封州先生曰吾老
矣支體不可解也遂從以去明年回之子襲死哭之慟
遂病既亟以命回曰吾生天寶訖貞元乙酉歲十月今
死于汝之手盈吾志矣京師吾生也畢原先人之歸也
必以返葬乃自為誌而卒明年正月某日葬如其言弟
子某等為碑以誌于墓辭曰

匪祿而康匪爵而榮漠焉以虛克焉以盈言而不為華

光而不為名介潔而周流苞涵而清寧幽觀其形與化
相冥寂寞以成其道是以勿嬰世皆狂狂奔利死名我
獨浩浩端一以生或曰先生友悌以適慈幼以死若不
能忘情者何耶吾曰道去反耶去慈耶從容以求其得
之耶盪莽很悻

悻舊作倅香山沈公謂當作悻很下懇切悻下耿切很怒也盪音蕩

道之

非耶且夫虧恩壤禮枯槁顛顛

上音隄下音萃

隄聖圖壽

隄期規切

離中就異歛然與神鬼為偶

歛許勿切說文有所吹起

頽然以木石

為類倥侗

上音空下音同

而不實窮老而無死先生之道固知

異夫如此也乃書于石以紀

虞鳴鶴誄

并序

虞氏之來尚矣在漢則有曰延曰翽在吳則有曰翽仲翽是也在晉則有曰預曰喜史皆有傳至唐則有曰世南即秘書公泊于漢陽世德以昌者君之考終於沔州刺史也作之年月不可考然公謂惟昔夏首羈貫相親又云交歡二紀莫間斯言蓋公生於大歷八年自羈貫而及二紀則當是貞元十四五年間矣

維某年月日前進士虞九臯字鳴鶴終於長安親仁里既克葬于高陽原二三友生皆至于墓哀其行之不昭

于世追列遺懿求諸后土中薦嘉名寔曰恭甫乃作誄
曰

吳虞之分爰宅上陽其後優游在越為鄉延調輔漢

大訓

刊 叔^知 叔定封疆東徙之賢時惟仲翔曰預曰喜在晉克彰

義篤斯文有必其芳秘書多能垂耀于唐洎于漢陽世

德以昌

君先父終
沔州刺史

毗贊尚父

尚父郭
子儀也

休徽用揚惟我先

君並時翺翔洽主記室蔚其輝光實契伯仲永永不忘

漢陽元子寔紹其美傳襲儒風彪炳文史克恭以孝惟

禮是履譽洽于鄉論爲秀士

禮命鄉論秀士注秀士鄉大夫所考有德行道藝者

百郡之選叢于京師昧沒騰藉乘凌蔽欺生之始至則奮其儀退默以謙人悅而隨名卿是挈先進咸推方出羣類振耀于時禍丁舅氏漂淪海沂捧訃號呼匍匐增悲要有幼主禮或多違孰徇于名而不是思投袂就道乘艱若夷竭誠喪具中敬裳帷萬里來復祇紉于墓遽不凌節儉而有度由其溫恭守以貞固行道咨嗟觀禮興慕復從鄉賦煥發其華克不再舉聞于邦家倚閭千

里歡咏斯多姻族盈門載笑且歌君之不淑名立志沮
慶歸其鄉身終逆旅生死已間壽觴方舉賀書在途委
骨歸土哀歡易地弔慶交尸神明不仁降此大苦嗚呼
哀哉惟昔夏首羈貫相親

貫與州同穀梁子云子生羈貫成童不就師父之罪也

通家脩好講道為隣既冠于阼

音祚

思致其身升于司徒

及爾繼年交歡二紀莫間斯言愉乎其和確爾其堅更

為砥礪

砥音砥

咸去韋弦

史西門豹以性剛急常佩韋以自戒董安于以性寬繼常佩弦

以自今則遽已吾其缺然嗚呼哀哉誅行謀諡

音示行之速也

惟古之道生而無位沒有其號惟是友生徘徊顧悼爰
用壹惠幽明是告溫溫其恭維德之經先民有作今也
是旌嗚呼恭甫欽此嘉名

故處士裴君墓誌

君諱字不可得而考惟曾祖寧州公即裴守真
也據傳守真之子六次曰擇卿相玄宗又其次
曰僑卿即起居郎故誌曰起居郎丞相弟也員
外公求之表系其名位俱不詳中丞公即裴行
立守真之傳曰曾孫行立而此誌謂與裴君
為弟兄其系蓋明甚元和十四年柳州作

河東聞喜裴君諱某字某好學未仕年若干元和十四

年月日終於京兆渭南墅

上無切
田盧也

君之弟中丞公督桂

州命其僚柳宗元以銘君之出河間邢羣以狀來告曰
曾祖諱某寧州刺史贈戶部尚書祖諱某起居郎父諱
某尚書刑部員外郎議官及浮圖事獨出載在史冊以
八使行天下當河北道疑危頑很難處分之地

分扶間
切一無

字分用天子命制斷得宜於時為第一天下皆仰以為相

會疾終再贈至大理卿長老咸曰裴氏世積德起居丞
相弟也以文史用大理名世人也咸聞而不大君以友

悌慈植承其休光幽而不揚豈天鍾美於中丞而
克並耶不然君無位以大具可問哉君前娶韋氏成都
少尹士謨女生二子字曰某名曰某以文敏中丞公尤
愛幸恒從不幸卒於桂林某舉明經後娶於薛氏無子
父窆位卑是年月日葬渭南某里遷奉夫人之喪自萬
年來有俟猶異室銘曰

疇之沃沃宜其嘉穀有耕有耨同施異祿明昭次穆丞
相之族尚書之孫大理之門有慶實延宜碩而繁不位

不年晦于丘園懿懿大理惟德之元權佞抑釋太史是
論黜陟異幽邦命以尊神晉豐福不并于君渭之洋洋
爰墓其南孝思是懷祖考之依郡人作銘惟相其哀
一作
不并
于君

覃季子墓銘

君之死年月並亡惟公謂柳先生來永州戚其
文不大於世求其墓以石銘則當是初至永時
作也

覃季子其人生愛書貧甚尤介特不苟受施

施智切
讀經

傳言其說數家推太史公班固書下到今橫豎鉤貫

音豎

樹又且數十家通為書號章子史纂又取鬻老管莊子

思晏孟下到今

鬻音育鬻熙也周人有書名鬻子一卷

其術自儒墨名法

至於狗彘草木凡有益於世者為子纂又百有若干家

篇於聞不以仕為事黜陟使取其書以氏名聞除太子

校書某年月日死永州祁陽縣某鄉將死歎曰寧有聞

而窮乎將無聞而豐乎寧介而躋乎將溷而遂乎

溷胡因切

葬其鄉後若干年柳先生來永州戚其文不大於世求

其墓以石銘銘曰

困其獨豐其辱

續榮澤尉崔君墓誌

元和九年葬前誌贈太傅崔公祐甫為之祐甫既卒而未克葬故公續誌以書其後之故云

太傅公既志榮澤君之葬明年為中書侍郎同中書門

下平章事以卒

一云卒贈太傅無以字

榮澤君之嗣曰膺備物具

貨入于汴汴陷于戎喪焉不果行會世難不幸膺亦死膺之亞曰太素仕至雲陽令求其志將行謫南海上元和

九年移信中

一作州

猶有累不克如其鄉大懼緩慢茲久

哭命其子某以某月日啓君之喪至子某葬用某月甲子志用太傅公之辭又命河東柳某書緩故且志終事之年月日

柳河東集卷十一

柳河東集卷十二

唐 柳宗元 撰

表誌六首

先侍御史府君神道表

公永貞元年八月謫永州司馬明年元和改元
先夫人卒于永州明年歸祔於侍御之墓表當
作于是時其曰叔父殿中君即公爲作墓表及
墓版文所謂叔父殿中侍御史者是也墓表及
版文皆不載殿中君諱唐宰相年表亦止載曰
某朔方營田副使殿中侍御史故其名不得考

馬公所作殿中墓版文曰紀廣大之志叙正直之節不嫌于親作元兄侍御史墓誌雖其名不可考而知其誌侍御之墓明矣公表以諱與者為侍御曾伯祖則典當為公高伯祖而新史公傳及韓文公為公作墓誌皆云曾伯祖若有誤焉

嗚呼先君之墓仲父殿中君誌焉孤宗元不敢稱道先德然而無以昭于外者用敢悉取仲父之所陳而繫其辭刻石表先君諱鎮字某六代祖諱慶後魏侍中平齊公五代祖諱旦周中書侍郎濟陰公高祖諱楷隋刺濟房蘭鄆四州曾伯祖諱爽

施氏切

字子燕唐中書令曾祖

諱子夏徐州長史祖諱從裕滄州清池令皇考諱察躬

湖州德清令世德孝廉颺于河澣

颺音陽

士之稱家風者

歸焉先君之道得詩之羣書之政易之直方大春秋之

懲勸以植于內而文于外垂聲當時天寶末經術高第

遇亂奉德清君夫人載家書隱王屋山間行以求食深

處以修業作還暑賦合羣從弟子姓講春秋左氏易王

氏衍衍無倦

衍空早切又虛旱切

以忘其憂德清君喜曰茲謂遯

世無悶矣亂有間舉族如吳無以為食先君獨乘驢無

僮御以出求仁者冀以給食嘗經山澗水卒至流抵大
壑得以無苦被濡塗以行無愠容觀者哀悼而致禮加
焉季王父六合君忤貴臣死於吏舍

忤音誤

猶鞠其狀先

君改服徒行逾四千里告于上由是貸其問既而以為
天子平大難發大號且致太平人罹兵戎農去耒耜宜
以時興太學勸耦耕作三老五更議籍田書齋沐以獻
道不果用授左衛率府兵曹參軍尚父汾陽王居朔方

謂鄧子儀也

備禮延望授左金吾衛倉曹參軍為節度推官

專掌書奏進大理評事以為刑法者軍旅之楨幹

楨音貞

斥候者邊鄙之視聽不可以不具作晉文公三罪議守

邊論議事確直世不能容表為晉州錄事參軍晉之守

故將也少文而悍酣嗜殺戮吏莫敢與之爭先君獨抗

以理無辜將死常以身扞笞筭拒不受命守大怒投几

折箠而無以奪焉

箠音責

以為自下繩上其勢將殆作泉

竭木推詩終秉直以免於恥調長安主簿居德清君之

喪哀有過而禮不逾為士者咸服服既除常吏部命為

太常博士先君固曰有尊老孤弱在吳願為宣城令三

辭而後獲徙為宣城四年作閭鄉令

閭音闕又音民
玃弘農鄉名

考

績皆最史人懷思立石頌德建殿中侍御史為鄂岳沔
都團練判官元戎大攘狡虜增地進律作夏口破虜頌

後數年登朝為真會宰相與憲府比周誣陷

一作陷

正士

以校私讎有擊登聞鼓以聞于上上命先君摠三司以
聽理至則平反之為相者不敢恃威以濟欲為長者不
敢懷私以請間羣寃獲宥邪黨側目封章密獻歸命天

子遂莫敢言適年卒中以他事貶夔州司馬

中丁仲切作鷹

鷓鴣詩居三年醜類就殛拜侍御史制書曰守正為心疾
惡不懼先君捧以流涕曰吾唯一子愛甚方謫去至藍
田訣曰吾目無涕今而不知衣之濡也抑有當我哉作
喜霽之歌副職持憲以正經紀貞元九年宗元得進士
第上問有司曰得無以朝士子冒進者乎有司以聞上
曰是故抗姦臣竇參者耶吾知其不為子求舉矣是歲
五月十七日終于親仁里第享年五十五七月某日葬

于萬年縣棲鳳原後十一年宗元由御史為尚書郎天

子行慶于下中命宗贈而有司草創頗緩會宗元得罪

遂寢不行太夫人范陽盧氏某官某之女實有全德為

九族宗師用柔明勤儉以行其志用圖史箴誠以施其

教故二女之歸他姓咸為表式太夫人既授封河東縣

太君會冊太上皇后于興慶宮既及

一作乃

宗元貶秩為

永州司馬奉侍溫清未嘗見憂元和元年五月十五日

終于州之佛寺享年六十八嗚呼宗元不謹先君之教

以陷大禍幸而緩於死既不克成先君之寵贈又無以
寧太夫人之飲食天殛存酷名在刑書不得手開玄堂
以奉安祔罪惡益大世無所容尚顧嗣續不敢即死支
綴氣息以嚴邦刑大懼祭祀之無主以忝盛德敢用特
牲昭告神道號咷萬里以畢其辭云

先君石表陰先友記

考其次第當與前表同時作其見於記者凡六
十八人當以史傳及年表考之其可見者三十
有七人信乎皆
天下之善士矣

袁高河南人以給事中敢諫爭貞直忠蹇舉無與比能

使所居官大再贈至禮部尚書

見袁起已傳

姜公輔為內學士以奇策取相位好諫諍免後以罪貶

復為刺史卒

有傳

齊映南陽人為相以文敏顯用

有傳

嚴郢河南人剛厲好殺號忠能為京兆河南尹御史大

夫善舉職為邪險構扇以貶死

有傳

元全柔河南人氣象甚偉好以德報怨恢然者也為大

官有土地入為太子賓客

杜黃裳京兆人弘大人也善言體要為相有牆仞不佞

以謀克蜀加河中節度

有傳一作加司空
出為河中節度

劉公濟河間人厚寬碩大與物無忤為渭北節度人為

工部尚書卒

楊氏兄弟者弘農人皆孝友有文章憑由江南西道

人為散騎常侍凝以兵部郎中卒

附楊
憑傳

凌以大

理評事卒最善文

穆氏兄弟者河南人皆強毅仁孝 贊為御史中丞捍

佞倖得貶後至宣池歎處置使卒 質為尚書郎以

侍御史內供奉卒最善文

附穆寧傳

皇甫政河南人有威儀由浙東廉使為太子賓客

裴樞同郡人為御史天子以隱罪誅吏樞頓首願白其

狀以故貶後為尚書郎

附裴連慶傳

李舟隴西人有文學俊辯高志氣以尚書郎使危疑反

側者再不辱命其道大顯被讒妬出為刺史廢痼卒

李鄘江夏人果檢自負疑然善為官為御史中丞京兆

尹鳳翔節度

有傳

梁肅安定人最能為文以補闕修史侍皇太子卒贈禮

部郎中

有傳

陳京泗上人始為諫官數諫諍有內行文多詰訓為給

事中上方以為相會感疾自刃廢癩卒

見宰相表
感一作感

韓會昌黎人善清言有文章名最高然以故多謗至起

居即貶官卒 弟愈文益奇

愈有傳會
見宰相表

許孟容吳人讀書為文口辯為給事中嘗論事由太常

少卿為刑部侍郎

有傳

李觀隴西人行義甚修至刑部郎中卒故與先君為三
司者也其大理者曰楊瑀瑀無可言猶以獄直為御史
宇文邈河南人有文謹慈人也為御史中丞齷齪自守

然以直免官復為刺史卒

見宰相表

袁滋陳郡人善篆書文敏不競為相出使辱命貶刺史

復為義成軍節度卒

有傳

盧羣范陽人雖博多所許與使反側之地天子以為任

事為義成軍節度卒

有傳

崔損清河人畏慎為相無所發明然不害物天子獨愛

辛以損為長者

有傳

鄭餘慶滎陽人再為相始天下皆以為長者及為大官

名益少今為尚書河南尹無恙

有傳

鄭利用餘慶從父兄也真長者由大理少卿為御史中

丞復田中丞為大理少卿

李益隴西姑臧人風流有文詞少有僻疾以故不得用
年老常望仕非其志復為尚書郎

王紆 其弟紹太原人紹得幸德宗為尚書在宰相之
右今為徐泗節度紆有學術 魯直為尚書郎

路泌河南人以尚書郎使西戎留戎中度今已年八十
餘既和戎十五年不得歸無為言者

舊史附
路隋傳

虞當會稽人為郭尚父從事終沔州刺史以信聞

賈弇長樂人善士也為校書郎卒

賈全至御史中丞

趙需天水人喁喁

況羽切意與物始和樂之義同

儒士也有名至兵部

郎中卒

張式南陽人

張莒常山人

張惟儉宣城當塗人皆善言譔式至河南尹莒鄧州刺

史惟儉和州刺史

奚陟江都人柔敏至吏部侍郎世謂陟善官然其智足

自處也

盧景亮涿人有志義多所激發為諫官奏書如水赴壑
坐貶廢棄甚久至順宗時為尚書郎升中書舍人卒
楊於陵弘農人善吏敏秀者也為中書舍人京兆尹

張因某人舉詔策為長安尉願去官為道士甚有名以
其弟回降封州曰吾老矣必死回也哭而行遂死封
州

高郢渤海人有文章規矩自立者不干貴幸以太常為

相罷居尚書

有傳

唐次北海人有文章學行義甚高以尚書郎出為刺史
屏棄永貞中召以為中書舍人道病去長安七十里
死傳舍

苗拯上黨人有學術峭直以諫議大夫漏泄省中語貶
萬州卒

柳氏兄弟者先君族兄弟也最大并字百存為文學至
御史病瞽遂廢次中庸中行皆名有文咸為官早死

柳登柳冕者族子也自其父芳善文史與冕並居集賢書府冕文學益健頗躁自吏部郎中出為刺史至福建廉使卒登晚仕至尚書郎秘書少監

附柳芳傳

薛丹同郡人至尚書郎

呂牧東平人由尚書郎刺澤州卒

崔稹清河人至檢校郎官子羣為右補闕贈給事中

有傳

房啓河南人善清言由萬年令為容州經畧

于中河南人至尚書郎

常仲孺河南人今為諫議大夫

見軍相表

蘇弁武功人好聚書至三萬卷與先君通書以戶部侍

郎貶復為刺史

附蘇世長傳

崔兗蒲紅切博陵人善言名理為御史尚書郎

鄭元均滎陽人強抗少所推讓然以此多怨困不得位

辛暉

紆慎切

隴西人有史學

韓衡昌黎人善士

陳象甫梓潼人高志氣

薛伯高東郡人好讀書號為長者後至尚書卒

見宰相表

張宣力清河人儒善後來其名去力但為宣自元均至宣力皆沒沒無顯仕者

孤宗元曰先君之所與友凡天下善士舉集焉信讓而大顯道傳而無雜今之世言交者以為端敢悉書所尤厚者附茲石以銘于背如右

故殿中侍御史柳公墓表

即公之叔父會鑑先博御
集賢王字時作集注云為
書本道御史張公乃遣殿中監李輔之致贈侍
御史韋重規等稅助汝南周公集等亦書德
以見其一時
定禮之盛耶

唐貞元十二年二月庚寅葬我殿中侍御史河東柳公
於萬年縣之少陵原公諱某字某邑居於虞鄉曾王父
某官王父某官皇考某官奕世餘慶叢而未稔濟德流
祉其後宜大秀而不實為善者惑嗚呼哀哉惟公敦柔
峻清恪慎端莊進止威儀動有恒常英風超倫孤厲貞

方居室孝悌與人信讓當職強毅游刃立斷自少耽學
頗工爲文既窮日力又繼以夜鄉里推擇敦迫工道乃
與計偕來游京師觀藝靈臺貢文有司射策合程遂冠
首科休有令問羣士羨慕居數年授河南府文學教勵
生徒撰擇貢士

撰息轉切周禮大司馬羣
史撰車徒注撰指擇之也

儒黨相賀庶

人觀禮秩滿渭北節度使延爲參佐總齊軍政甚獲能
稱加太常寺協律郎既喪主帥罷歸私室方將脫遺紛
埃退與道俱沖漠保神優柔肆儒四方聞風交馳鵠書

載筆乘轡

音說使者所乘又曰小車

乃作參謀出入朔方陪佐戎車

遷大理評事又加章綬朱棠銀印宗黨有耀權畧密勿

潛機埋照完彼亭堡時其講教實從我謀隣國是微改

度支判官轉大理司直出納府庫頒給軍食下無餽斂

力疑切餽一作儲

黔首休息月校歲會

古外切

莫不如畫庫豐財

羨

延面切餘也庫一作軍

制成計得又遷殿中侍御史度支營田

副使分間之寄參制其半

閭苦本切

柔以仁撫剛以義斷戎

臣坐嘯公堂無事朝端延首方待以位既而祿不及代

冰禮記伐冰之家不畜牛羊謂卿大夫以上以其喪祭得賜冰故言伐冰也政不獲專達周禮

天官其屬六十掌邦治大事則從其長小事則專達以其年正月九日遇疾終於

私館享年五十嗚呼哀哉奔驥騁力中塗蹀足上於阮切曲脚

之高鴻輕舉在雲墜翼凡我所知哀慟無極本道節度

尚書朔寧王張公震悼涕慕不任于懷臨遣牙將試殿

中監李輔忠賙賻甚厚上撫鳳切下符遇切贈死曰賙賻助也行軍司馬

侍御史韋重規等匍匐救助事用無闕丹旆素車歸于

上京撰期定宅撰息轉切莫有慙素上音慙故友諸生宗人外

姻號慟會奠哀禮咸申克寔玄堂

寔音延惠藏切葬下棺

掩坎廣

輪

上古曠切禮記既葬而封廣輪并坎其高可隱也

顧眄無依徘徊增哀願勒

休聲延垂後賢於是汝南周公策等相與琢石書德用圖不朽文曰

抱元淳稟粹和既強毅又柔嘉登儀曹耀文章司學徒

儒風揚自渭北來朔方戎政開黔首康冠惠文垂朱裳

才不施天茫茫刊樂石篆遺德

一作芳

延休烈垂憲則於

萬年長無極

故叔父殿中侍御史府君墓版

公既表殿中君墓版又加詳焉殿中君名緯不可考見先侍御墓表注

柳氏之先自黃帝歷周魯其著者無駭以字為展氏禽氏以食采為柳姓厥後昌大世家河東嗚呼公諱某字某曾王父朝請大夫徐州長史諱某遺貞白之操表義宗門王父朝請大夫滄州清池令諱某垂博裕之道啓佑後胤皇考湖州德清令諱某弘孝悌之德振揚家聲惟公端莊無諂蔽柔有裕峻而能容介而能羣具在閭

門也動合太和皆由順正愷悌雍睦莫有間言故宗黨

歌之其在公門也釋回措枉造次秉直事不失當舉無

疵政

上音

故官府誦之用冲退徑盡之志以弘正友道

信稱於外焉用柔和博愛之道以視遇孤弱仁著於內

焉此公修己之大經也自進士登高第調受河南府文

學秩滿渭北節度使論惟明辟為從事受太常寺協律

郎元戎即世罷職家食無何朔方節度使張獻甫辟署

參謀受大理評事賜緋魚袋改度支判官轉大理司直

遷殿中侍御史加度支營田副使此公從政之大畧也
既佐戎事實司中府匪頒有制會計明白嗚呼分閫委
政繫公而成務朝右虛位待公而周事宗門期公而光
大姻黨仰公而振耀貞元十二年歲在丙子正月九日
壬寅遇暴疾終於私館享年五十痛矣夫人吳郡陸氏
洎仲弟綜季弟續家姪某等抱孤即位牽率備禮祇奉
蒙帷歸于京師以某年二月二十八日庚寅安厝音於
萬年縣之少陵原禮也公有男一人始六年矣在髫知

孝

孝音通小兒去聲也

呱呱涕洟

呱音孤

凡我宗戚撫視增慟嗚呼

哀哉初公元兄以純深之行端直之德名聞於天下官

至侍御史持斧登朝憲章肅清常以先公之神未克逮

柩不正席不甘味及撰日定期而昊天不弔志奪禮廢

公實敬承遺志行有日矣而閔凶存及不克終事則我

宗族之痛恨其有既乎惟公盡敬於孝養致毀於居憂

表正宗姓觀示他族故宗人咸曰孝如方輿公

此下四事皆舉

柳氏之先文行之著者方輿公諱僧習當

後魏時為揚州大中正尚書右丞方輿公修詞以藻德

振文而導志以為理化之始莫尊乎堯作堯祠頌以為
述德之道不忘於祖作始祖碑以為紀廣大之志敘正
直之節不嫌於親作元兄侍御史府君墓誌其餘諷詠

比興

上音鼻下
許應切

皆合於古故宗人咸曰文如吳興守

史

柳惲字文暢好學善尺牘少工篇什有亭臯
木葉下隴首秋雲飛之句仕宋為吳興太守

當官貞固

確乎不拔持議端方直而不苛故宗人咸曰正如衛太

史

舊本云太史諱莊按禮記檀弓下衛有太史曰柳莊
寢疾公曰若疾革雖當祭必告公再拜稽首請於尸

曰有臣柳莊也者非寡人之臣社稷之臣
也聞之死請往不釋服而往遂以從之

率性廉介懷

正抱潔嗣家風之清白紹遺訓於儒素故宗人咸曰清

如魯士師

柳氏出自姬姓魯孝公子夷伯後孫無駭生禽字季為魯士師諡曰惠食采於柳下遂姓

柳氏是為

兼備四德具體而微公之謂矣小子常以無

柳下惠

兄弟移其睦於朋友少孤移其孝於叔父天將窮我而奪其志故罔極之痛仍集焉朴魯甚駭不能文字敢用書宗人之辭以致其直故質而俚輟哭紀事哀不能文故敘而終焉

故弘農令柳府君墳前石表辭

令君及其夫人卒于大歷建中間葬于貞元十九年公時為監察御史唯辭不載令君之名求之年表亦無可考焉

少陵原柳氏之大墓唐貞元十九年某月日孤某奉其先府君洎夫人之喪祔于其位田新墓而南若干步曰高祖王父蘭州府君諱某字某之墓又東若干步曰曾祖王父邠州府君諱某之墓西若干步曰祖王父司議郎府君諱某之墓咸異兆而相望昭穆之有位序壤樹之有豐殺所介皆如律令府君諱某字某由父任為太

廟齋郎更許昌陽武伊闕華原尉王屋丞汝陰令為弘
農二年推其誠心裕于其人闢土生穀若有天相之道
衣食給足故人不札天教厲明具故俗不爭奪遂以洽
于太和事理克彰刺史盧杞加禮褒旌考績絕尤推君
之政風于下邑命為吏部尚書郎庾河南受命黜陟狀
君理績殊異宜升天朝帝有歎焉方圖優昇命用不長
年五十五建中二年某月日卒于官以其素廉家之蓄
不足以充凶事遂殯于是邑仍會危難至于今乃克返

葬孤某嘗為黔州錄事參軍今無祿仕而志不敢緩初
君娶司農少卿京兆韋山之孫涇陽主簿回知之女德
容溫良大厯二年某月日卒于越而假葬焉孤某徒行
自越舉夫人之喪至于號舉弘農君之喪咸至于墓寔
焉既寔立石表于墳前示後之人以無忘孝敬嗚呼世
有難仕于外而葬其族者希矣孝子之心有待駟馬五
鼎而卒不至者焉若今之殺衣黜食殺所介切寒妻子飢僕
御終身由之而志益不懈為旅人徒跣音萬里以厄困

終事孝之難者歟五十而慕者聲也祿千鍾而悲者曾
子也聖且賢難之若是今之人有由其道者得不立於
世乎

志從父弟宗直殯

公自永貞元年九月自禮部員外郎攝鄆州刺
史十一月又移永州司馬至元和十年正月召
至京繼出為柳州刺史宗直與公俱故死于柳
韓昌黎集中有富塘祭雨文觀此志則知非昌
黎之作
明矣

從父弟宗直生剛健好氣自字曰正夫聞人善立以為

已師聞惡若已讎見佞色諂笑者不忍與坐語善操觚

牘

工音孤
下音讀

得師法甚備融液屈折奇峭博麗知之者以

為工作文詞淡泊尚古謹聲律切事類譔漢書文章為

四十卷歌謠言議纖悉備具連累貫統好文者以為工

讀書不廢蚤夜以專故得工氣病臃脹

工音關凡也一
曰傳也下知亮

初臃大也廣
韻臃前曰臃

奔逆每作害寢食難俯仰時少間又執筆

以興呻痛咏言雜莫能知兄宗元得謗于朝力能累兄

弟為進士凡業成十一年年三十三不舉藝益工病益

牢元和十年宗元始得召為柳州刺史七月南來從予
道加虐寒數日良已又從謁雨雷塘神所還戲靈泉上
洋洋而一作也歸卧至旦呼之無聞就視形神離矣嗚呼
天實析余之形殘余之生使是子也一作能無成是月
二十四日出殯城西北若干尺死七日矣俟吾歸與之
俱志其殯

柳河東集卷十二

謹案卷十第二頁後七行後漢西域傳刊本傳訛
志據後漢書改

第三頁前一行故稱戊巳馬刊本馬訛為據後漢
書注改

第三頁前三行烏蠻酋帥刊本酋訛首據校宋本
改

第七頁前六行狀似龍無角刊本狀訛文據郭雲
鵬本改

金定四庫全書
第九頁前七行掌金玉錫石之地而為之厲禁以
守之刊本地訛切厲禁訛禁厲據周禮什人職
改

第十四頁前二行祖某某官四字刊本脫據校宋
本增

第十六頁後八行卒不能有立乎世者刊本立訛
示據郭雲鵬本及文苑英華改

卷十一第十一頁後三行爰宅上陽案上陽號所

都見左傳僖五年晉侯圍上陽注此云虞宅上陽非考漢書地理志河東郡大陽周武王封太伯後於此為虞公此上字當是大字之訛


卷十二第七頁後四行其大理者曰楊瑀刊本脫楊字據郭雲鵬本增

第十三頁後五行本道節度尚書朔寧王刊本朔訛朗據文苑英華改

第十四頁後一行故叔父殿中侍御史府君墓版

刊本版下行文字案本文末云哀不能文故叙
而終焉知舊本題原無文字今據別本刪





總校官候補中書臣吳紹潔
校對官庶吉士臣陳崇本
謄錄監生臣楊邦彥